

## Huanocca ima teppe dsotodecca 2 Juan

Jesocca dodosse tabaqqi Huanopa pohua imecotedeni Jesodsa jehe quinajaridenidsa dsodo inapomajaro. Po-huadenidsa: —Ia huapimapi eti cahanerara canana —najarari.

Ima onihi naqui dsodo inajaro, aja mamaisadedenicca maidsehedsa pajissa quina-jarahijine.

### *Diocca pajissehe icajidsapi eti cahanerara canajaropaji*

<sup>1</sup> ¿Nija ohuemecotedeni? Ohuapi Jesodsa jehe quinajarideni cacahuade ojan. Dio Attidsa titiqueriqqui najarodeni huapima Diocca tocattejidساباqqinaja tiquejenajaro. Diocca pajissehedsa iquejenarajine tiadenidsa ohuati huana tajaro. Ohua ojari onejerani, aji ia huapima Diocca pajissehedsa nahatoqqiri inajaropi tiadenidsa eti huanaqqiri najaropaji. <sup>2</sup> Diocca pajissehe ibodidsa anijarajinea tiadenidsa eti huanaqqiri najaropaji. Pocca pajissehe ibodidsa anidsanaponitohui.

<sup>3</sup> Abi Dio, Pohua Bedi Jesocriso tedseje tiadenidsa ima bicani inanana. Poccadeni tohuati huanehe, poccadeni jonehe naqui tiadenidsa inanaridsana, onajaro. Nadsapi Diocca pajissehedsa timadimanadsapi timecotedenidsa tetideni huanaqqiri nehe timadimananijine.

<sup>4</sup> Ticcadeni madija mota Diocca pajissehedsa madi-manahissa tahi qqii onadsapi ohuatidsejaro. Poccadeni ima nema nadsapi pina Abi Dio ia tocadossebaqqi-jarissa quinajari. <sup>5</sup> Ohuemecotedeni, titohuideni ohuati huana tani. Jidapapi tiadenidsa huati onana, ohuat-tissa tinanamananijine. Ia huapimapi eti cahanerara

canana, onajaro. Najaro marinajapi dsati jerani, aji Jesocristocca ima icahatterapodsama najaro marinaja imittapode. <sup>6</sup> Tohuati huanehepi ajima najarona paji: Pina Diocca dosseniji huapimassa inanaridsajarona paji. Dio pocca dosseniji timittamanapodsama pocca tohuati huanehema timadiridsa-manaji.

*Maidsehe mamaridedenicca ima*

<sup>7</sup> Naraha ajiaro dsamadsapi mamaidsade caji taridsahi. Puhuadenipa: —Jesocristo Diodsa madipojaripa pina madijassa naha tossoja-jarahi —quinajari. Madija nama najaripa mamaidsade tojajari. Najaripa Cristodsa huadi tajari. <sup>8</sup> Paji, mamaidsadedenipa tiadeni tocamadsabaqqi-manarana. Poccadeni imadsa pajissa tiquinadsapi aji Diodsa tidsepedeni ijimanajarocca manaconipi pocca daniji bica tanicca ticajimana-jerarana, onajaro. Naraha pina Jesocristocca marinajassa najaro ima bicanira tinanaridsamanadsana nidsa Diodsa tidsepedeni ijimanajarocca manaconipi Diocca daniji bica tanicca tiadenidsa tojanissa tanitohui.

<sup>9</sup> Naraha madija: —Iapi denima nahatoqquri inani —quinajaridenipa Jesocristocca marinajadsa poccadeni ima inaharimana tani. Jesocristocca marinaja nebomanadsapa puhuadeni bodidsa Dio madidsa-jarahi. Naraha madija Jesocristocca marinajassa inanamanadsanapodsapa puhuadeni bodidsa Dio madidsajari. Puhua Bedi naco puhuadeni bodidsa madidsajari. <sup>10</sup> Nadsama tiadenihuaaji madija bacco najonadsa marinaja onihi pina Jesocristocca marinajassa nejerajaro mari mari nadsapa pahuadsa: —¿Nija, bica tinaqui? —tiquinejeraji. —Occa odsadsa tiqquedsimaji —tiquinejeraji. <sup>11</sup> Aja madija nama najaridsa: —Nija, tiqquedsimaji —tiquinadsapi

pina pohua acco ticamamanajarissa tiquinajaro. Pocca tabaccorehedsa naqui tiquejemamanajaro.

—*Tiadeni qquide occana* — najari Huano

<sup>12</sup> Ima onihi onihi tiadenidsa dsodo onanitoahiraha ajjaro ima teppedsa dsodo onejerani, onajaro. Nidsa tiadeni qquide occana, onajaro. Nadsana tiadeni qqui onabaqquidsana occa ima tiadenidsa huati onanitoahui. Nadsana icatidserara cananitoahui, onajaro.

<sup>13</sup> Timecotedeni ahuajicca Dio Attidsa totoqueriqqui najarideni, pina tiadenissa quinajari Diocca tocatteljidsabaqquinaja toquejenajari tiadenidsa nija quinajari. Epejeni.

El Nuevo Testamento en el idioma Culina (mádjia) del  
Perú

Kulina: El Nuevo Testamento en el idioma Culina (mádjia) del Perú  
New Testament

copyright © 2014 Wycliffe Bible Translators, Inc.

Language: Culina (Kulina)

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 14 Jun 2022 from source files dated 30 Nov  
2021

4c7c82dd-1f0f-5341-b6e6-26970c27fee2